

Cwrt Linden
Clos Ilex
Llanisien
Caerdydd
CF14 5DZ

Cyngor Cyllido Addysg
Uwch Cymru
Higher Education Funding
Council for Wales

hefcw

Ffôn 029 2076 1861
Ffacs 029 2076 3163

www.hefcw.ac.uk

Datganiad i'r wasg

Dyddiad: 20 Gorffennaf 2006

Teitl: Hwb ariannol gwerth £5 miliwn i ymchwil yng Nghymru

Mae Cyngor Cyllido Addysg Uwch Cymru (CCAUC) wedi dyrannu £5m o arian ychwanegol i sefydliadau addysg uwch Cymru i roi hwb pellach i'w paratodau ar gyfer yr Ymarfer Asesu Ymchwil (YAY) nesaf. Mae hyn yn golygu bod CCAUC wedi rhoi £8m o arian ychwanegol ers mis Rhagfyr 2005 a bydd hyn o gymorth mawr i'r sefydliadau wrth iddynt barhau i baratoi eu cyflwyniadau. Mae'r dyddiad cau ym mis Tachwedd 2007. Bydd yr arian hefyd yn helpu i roi'r sector addysg uwch mewn sefyllfa gryfach i gefnogi strategaeth ddatblygol y Cynulliad ar gyfer gwyddoniaeth yng Nghymru.

Ymarfer ar gyfer y Deyrnas Unedig gyfan yw'r YAY, a gynhelir nesaf yn 2008. Fe'i seilir ar gyflwyniadau a wneir ym mis Tachwedd 2007 a'i nod yw asesu ansawdd yr ymchwil sy'n cael ei wneud yn y sector addysg uwch. Bydd perfformiad cryf gan y sefydliadau Cymreig yn 2008 yn hanfodol er mwyn sicrhau dyfodol llewyrchus i Gymru mewn perthynas â gweithgarwch ymchwil ar raddfa genedlaethol a rhyngwladol.

Gan ei fod mor bwysig ar gyfer adfywio cymdeithasol ac economaidd yng Nghymru, mae gwella perfformiad ymchwil y sector addysg uwch yn un o'r targedau allweddol yn *Ymgeisio'n Uwch*, strategaeth dymor-hir Llywodraeth Cynulliad Cymru ar gyfer addysg uwch yng Nghymru. Mae'r Cynulliad wedi cytuno i ddyrannu'r £5m dan sylw o'r cyllid sydd ar gael i gefnogi *Ymgeisio'n Uwch* a rhaid ei ddefnyddio mewn ffordd strategol. Felly mae CCAUC wedi dyrannu'r cyfan yn ddetholus i'r sefydliadau hynny a fydd yn ei dyb ef yn fwyaf tebygol o elwa ar yr arian newydd yn ymarfer 2008.

Dyweddodd yr Athro Philip Gummett, Prif Weithredwr CCAUC:

“Mae CCAUC yn hynod falch ei fod wedi llwyddo i ddod i'r cytundeb hwn sy'n sicrhau bod swm sylweddol o arian ychwanegol ar gael ar adeg bwysig cyn yr Ymarfer Asesu Ymchwil nesaf. Fel yn achos y dyraniad ychwanegol o £3m ym mis Rhagfyr 2005, roeddem yn awyddus i sicrhau y câi'r arian ei ddefnyddio yn y ffordd fwyaf effeithiol ac felly rydym unwaith eto wedi targedu'r arian yn strategol at y sefydliadau hynny sydd, yn ein barn ni, yn y sefyllfa orau i elwa ar y buddsoddiad. Rydym yn edrych ymlaen at weld perfformiad cryf gan y sector addysg uwch yng Nghymru yn 2008.”

Eglurwyd arwyddocâd y dyraniad yng nghyd-destun yr agenda ehangach ar gyfer addysg uwch yng Nghymru gan Syr Roger Williams, Cadeirydd y Cyngor:

“Prif flaenoriaeth cyllid *Ymgeisio'n Uwch* yw ailgyflunio'r sector addysg uwch yng Nghymru drwy gyfuno sefydliadau a thrwy gydweithio sylweddol a chynaliadwy. Ni fydd y Cyngor yn llaesu dwylo wrth geisio'r math o newid strwythurol yn y sector a fyddai, yn anad dim, yn ei gwneud hi'n bosibl i gwrdd ag anghenion cymunedau Cymru yn fwy effeithiol yn y dyfodol. Serch hynny, mae newid strwythurol o'r fath yn cymryd amser ac rydym yn ffodus bod y Gweinidog wedi ein hannog i ystyried ffyrdd strategol eraill o ddefnyddio'r cyllid *Ymgeisio'n Uwch* i gefnogi'r nod ehangach o wella cyfraniad y sector addysg uwch at fywyd ac economi Cymru.”

Diwedd.

Cysylltiadau i'r cyfryngau

CCAUC

Emma Rączka, Rheolwr Cyfathrebiadau - 029 2068 2225

Dale Hall, Pennaeth Cynllunio a Llywodraeth Gorfforaethol - 029 2068 2280

NODIADAU I OLYGYDDION

Ymarfer Asesu Ymchwil (YAY)

Ymgwymerwyd â'r Ymarfer Asesu Ymchwil diwethaf yn y DU yn 2001. Fel ag o'r blaen, mae ymarfer 2008 yn cael ei gydgyssylltu ar raddfa'r DU. Gellir cael manylion pellach yn www.rae.ac.uk.

Mae manylion y dyraniad hwn ar gael yn adran cylchlythyron gwefan CCAUC (www.hefcw.ac.uk) yng nghylchlythyr W06/28HE.

Ymgeisio'n Uwch

Ymgeisio'n Uwch yw strategaeth dymor-hir Llywodraeth Cynulliad Cymru ar gyfer addysg uwch. Gellir llwytho'r ddogfen i lawr o wefan y Cynulliad drwy ddilyn y cyswllt canlynol: www.wales.gov.uk/subieducationtraining/content/higher/reachinghigher-e.pdf

Cefndir - CCAUC

Corff Cyhoeddus a Noddir gan y Cynulliad yw Cyngor Cyllido Addysg Uwch Cymru (CCAUC). Fe'i sefydlwyd ym mis Mai 1992 a daeth yn gyfrifol am gyllido addysg uwch yng Nghymru ar 1 Ebrill 1993.

O dan Ddeddf Addysg Bellach ac Uwch 1992, mae'r Cyngor yn gyfrifol am weinyddu'r cyllid a roir gan y Cynulliad i gynnal yr addysg a ddarperir a'r ymchwil a wneir gan sefydliadau addysg uwch a chysiau addysg uwch penodedig a ddarperir mewn sefydliadau addysg bellach.

O dan Ddeddf Addysg 1994, mae'r Cyngor yn gyfrifol am achredu darparwyr hyfforddiant cychwynnol ar gyfer athrawon ysgol ac am gomisiynu ymchwil i wella safonau athrawon a hyfforddiant athrawon.

Yn ogystal â'i gyfrifoldebau cyllido, mae'r Cyngor yn cynghori Cynulliad Cenedlaethol Cymru ar anghenion ariannol, dyheadau a phryderon y sector addysg uwch yng Nghymru.